



*Шочмо эл, порымиз да гим берг!*

8-ше (3396) №,  
2019 ий 23 февраль,  
шуматкече.


# ЯМДЕ ЛИЙ

1933 ий 1 февраль годсек лектеш.

0+

23 февраль –  
Шочмо элым  
аралышын  
кечыже.

## КОЧАЙ, МЫЯТ ДЕСАНТНИК ЛИЙНЕМ



Фотом еш архив гыч налме.

Канде тусан беретым да корнан-корнан тельняшкым кӧ чия? ВДВ-н салтакше! ВДВ – юж да десант войска. Тудо Россий Армийын элитный войскажлан шотлалтеш. Шернур район Палашнур ялыште илыше Антроповмыт ешым десантник еш манаш келшен толеш. Виталий Анатольевич (шолаште) Ленинград областысе Гарбово олаште ВДВ войскаште служитлен. Ачажын кышажымак эргыже, Игорь Антропов, М.Шкетан дӱмеш Марий национальный театрын артистше (пурлаште) тошкен. Эн ончыч Омск олаште ученийым эртен, вара Псковышто служитлен.

Умбакыже 2-шо лаштыкыште лудса.



## Паша чапым нёлта

18 февральыште Йошкар-Оласе Самырык-влакын полатыштышт «Молодые профессионалы» (WorldSkills Russia) регионсо чемпионат почылтын. Тангасымаш шымше гана эрта. Мероприятий 22 февраль марте шуйна. Учашымашым эртараш лу площадкым ямдылыме. Российын вич регионжо: Чуваш, Татарстан

республикла, Москва, Самара область, Хант-Манси автоном округ – гыч 186 ўдыр-рвезе толын. Нуно 23 номинацийыште профессий мастарлыкыштым тергат. Пашан чапшым нёлташ, самырык-влак шукурак профессий нерген пален налышт, илышыштышт эн күлешанжым да онайжым ойырышт – теве тыгай шоньмаш дене чемпионат эрта. Сенгыше-влакым 22 февральыште, чемпионатым петырыме годым, саламлаш тўналыт.

**Е.ИВАНОВА.**

Фотом Интернет гыч налме.



worldskills  
Russia

## Кочай, мыят десантник лийнем

(Умбакыже. Тўналтыш – 1-ше лаштыкыште.)

Десантник – тиде вяян, лўддымў салтак, садлан Виталий Анатольевич 1-ше номеран Шернур кыдалаш школын икымше классыштыже тунемше Егор уныкажым изинек чолгам да спорт деке шўманым кушта. Пырля куржталыт, ече дене коштыт, йўштў вўд дене чывылалтыт. Изи рвезе кок ияш гычак ВДВ войска кечын Йошкар-Олаш але Шернурыш кочаже пелен пайремыш коштеш. Тиде кечым куанен вуча. 23 февральыштат десантник кочажым да Игорь чўчўжым пайрем дене саламлаш вашка.

**Е.СЕРГЕЕВА.**

## Телефоным кучылтына

Мыйын смартфоном уло. Мыйын шоньмаште, тунемаште смартфон полша. Молан манаш гын, ятыр уверым муаш лиеш. А южо тунемшылан телефон тунемаш мешая. Тыгай йоча пеш шуко жапым смартфон дене эртарат: модыш дене

модеш, күлеш-оккўллан жапым арам пытара. Тыгай йоча тунемаш монда. Тидыже ончыкылыкклан чаракым ышта. Тидым икшыве кызыт огешат шоналте.

**Настя ИВАНОВА.**

**Морко, Коркатово.**

**Настя дене келше-да мо? Шоньмашдам вучена.**

## Шарнена

Школыштына эртаралтше «Шарнымаш сорта» шўмешем логале. Тудым В.И.Веденькин ямдылен. Ме, кугезе коча-кована нерген йодыштын, материалым погенна. Мый кугезе кочам нерген ойлышым. Лўмешыже шарнымаш сортам чўктышым. Кочам сар гыч пел кидан толын. Мемнан ял гыч шукун сарыш каеныт, ятырын пўртылын огытыл. Мучашлан, ик минут шып шоген, чыла шарнал-тышна.


**Ангелина ВЕДЕНЬКИНА.**

**У Торъял, Кузнеч.**

*– Салам лийже, поро кече! –  
Марий калык пелешта.  
Вийжым шарен, чевер кече  
Шыргыжалын вашешта.*

**Юля ИВАНОВА.**

*Кужэнер, Шорсола.*



Марий Эл Республикыште «Чодырам аралыза!» аншлаг конкурсым увертарыме. Тушко 1-11-ше класслаште тунемше-влак ушнен кертыт. Аншлагым чодырам тул да шўкшак деч аралыме темылан келыштарыман. Паша-влакым 15 март марте колтыман.



4-5 мартыште Юл кундем федерал округысо 8-11-ше класслаште тунемше-влак Интеллектуал олимпиадын окружной финалышкыже Йошкар-Олашке погынат. Нуно «Программирование», «Робототехника», «Решение изобретательских задач», «Игра «Что? Где? Когда?»» программе почеш танасат.



10 мартыште Морко район Унчо селаште «Уярня» марий йўла пайрем 10 шагатлан тўналеш. Тушко Марий Элысе да финн-угор калык-влак илыман регионла гыч фольклор коллектив-влак толыт. Кидпаша мастар-влакын пашаштым ончер-ярминта палдара. Йоча-влак «Модыш аланыште» финн-угор калык модышла дене палыме лийыт.



18 февральыште Марий Элыште Тўп калык-влакын йылмыштын тўнямбал идалыкшым Марий Элым Вуйлатыше Александр Александрович



Евстифеев торжественно почын. Пайрем М.Шкетан лўмеш Марий национальный драме театрыште эртен.  
– Марий Элыште 50 тўрлў калык келшен да икте-весым умылен ила. Кажныже шочмо йылмыш дене мутланен кертеш гын, тиде нимо дене вашталташ лийдыме кугу поянлык. Сандене республикыште шочмо йылмым аралыме йодыш эн тўнлан шотлалтеш, – ойлен А.А.Евстифеев.

## Йылме – калыкын поянлыкше

10 февраль – Дипломатический пашаен-влакын кечышт. Тидын лўмеш Российысе МИД-ын республикысе пўлкаже ий еда конкурсым эртарат. Тений тагасымаш Тўп калык-влакын йылмыштын тўнямбал идалыкшылан пўлеклалтын ыле. Конкурсышко Лиана акам дене коктын ушненна. Мемнам англичан йылмым тунуктышо С.В.Тихонова ямдылен. Мый сўретым ыштенам да почеламутым серенам, а акам англичан йылме дене сочиненийым возен. Коктынат сенгыше радамышке лектынна.

**Диана СЕМЁНОВА.**

**Марий Турек, Арбор.**



Мый изинек рушла кутырем. Но марий йылмым сайын палаш манын, «Кодам ўжара» литератур да краеведений кружокыш коштам. Мыланем йўсырак, но тыршаш тўналам.

**Кирилл ЕФРЕМОВ.**

Эн чот мый марий йылме да литератур предметым йўратем. Тудым З.А.Беляева вўда. Уроклан эре ямдылалтам. Мый марий кундемем, калыкемым йўраташ тунемам. Кабинетнажат моткоч поян.

**Дмитрий РЯБИНИН.**

**Советский, Кодам.**

## Пупашкар – аралтыш

Настя Подоплелова Советский район Алексеевский школышто тунемеш (**снимкыште**). Марий йылмым да ИКН предметым тунуктышо Л.В.Шадринан вуйлатымыш почеш марий курчак-аралтыш – пупашкар – нерген шымлымашым эртарен. Пашаж дене республикысе конкурсышто кокымшо верыш лектын.

– Марий курчакын историйжым пален налынам, – ойла Настя.

– Шкежат пупашкар курчакым ышташ тунемынам.

Ожно пупашкар кажне суртышто лийын. Тудо тыглай модыш курчак огыл, а аралтыш. Мутлан, азам шепка гыч налмеке, олмешыже курчак-аралтышым пыштеныт. Тыге осал шўлыш пурен ок керт, шоненыт. Йоча черланен гын, курчакым лук-

тын кудалтеныт: туддене пырля чержат кая, маныныт. Курчак изи айдемылан куаным, тазалыкым да чыла сайым гына кондышаш.

Курчак-аралтышым ача ыштен, авачиктен. Курчаклан тувырым, шымакшым чиктеныт, шовычым пидыктеныт, ончылсакышым сакеныт, йошкар ўштым ўшталтеныт.

**Курчаклан шопке пашкарым кучылтыныт.**

**Тиде пушенге черым шкаланже налеш. Калык пале почеш, шопке деч осал вий лўдеш.**

**Л.ГРИГОРЬЕВА.**

### Йўлана илана

**О** Икшывым чот мокташ ойрў – пиалже йомеш.

**Й** Йылмым ончыкташ ойрў – колет гын, шокшо салмам нулыктат.

**Р** Киндым кышкылташ ойрў – киндет ок шоч (ок лий).

В.Т.Михайловын «Калык ойпого – калык чон поянлык» книгаж гыч.



Авторын фотожо.

### Курчакым ышташ кўлыт:

20-23 см кутышан да 3-4 см кўжгытан шопке пашкар, каплан 40x25 см кугытан пенгыде куэм, шовычлан да ончылсакышлан куэм-влак, 50 см кутышан йошкар тасма да йошкар шўртў.

23 февраль – Шочмо элым аралышын кечыже.



**Е.П.КУЗЬМИН (снимкыште)**  
дене кутырышна.

– Евгений Петрович, тиде толкын гоч тунемше-влакым патриот шўлыш деке кузе шўмангеда?

– Йоча-шамычым историй, тошто еҥ-влакын

**Патриот шўлышым – йоча чоныш**

«Региональный военно-исторический обществе» Российысе кугыжаныш мер организацийын Марий Элысе пўлкаже 2018 ий идым тылзын пашам тўналын. Кўчык жапыште лектышан ятыр мероприятийым эртарен. Эше 19 мероприятийым палемденыт. Военно-исторический обществе нерген вуйлатышыже

подвигышт, кучедалмышт дене палдарена. Патриот шўлышан кушкышт манын, военный историй нерген каласкалена. Тиде мемнан тўн шонымашна. Историко-просветительский погынымашым эртарена. Москва, Санкт-Петербург олала гыч толшо лектор-шамыч лекцийым лудыт. Йочан патриот шўлышыжў изи годымак почылтеш. Авам, шочмо элым, Российым йўратымыже кушмо семын вияншаш, тышечынак икшывын шонымашыже кушкеш, вияншеш.

– Районысо школласе Чап музей-влаклан польшышым пуаш шонымашда уло мо?

– Шонымаш, чынжымак, кугу. Школлашке лектын кошташ кўлеш. Шанчызе, краевед-шамыч дене вашлийын кутыраш школышто йоча-шамычланат онгай лиеш, шонем. Кызыт тиде организацийыштына витле наре еҥ улына. Кў шкенжым патриотлан шотла, мемнан деке ушнен кертеш. Шукерте огыл «Путь национального самоопределения народа мари» лўман научно-популярный альбомым лукмо. Тидат йоча-шамычлан ышталтын. Тышке тўрлў онгай очеркым, документым, сўретым пуртымо. 26 февральыште презентацийже лиеш.

**Е.ИВАНОВА мутланен.**

Война жапыште пеш шуко еҥ илышыжым чаманыде крдалын. Мыйын кугезе кочам Виктор Васильевич Васильев

Морко район Коркатово лицейын тунемшыже-влак Роман ВАСИЛЬЕВ, Дмитрий АРХИПОВ, Максим НИКОЛАЕВ, Максим АЛМАКАЕВ качаштым, ачаштым, изаштым пайрем дене саламлат.

**Юлианна ДЯДИЧКИНА.**

**Армийыште служитлынем**

Ме марий йылме урокышто армий нерген мутланышна. Мўнгў толмеке, ачам деч салтак корныжо нерген йодыштым.

Ачам 1990 – 1992 ийлаште строительно-инженерный войскаште служитлен. Саша изам 2014-2015 ийлаште Екатеринбург олаште С.Орджоникидзе лўмеш мотострелковый бригадыште службым эртен. Тудо машина отделенийын командирже лийын.

Ончыкыжым мыят армийыште служитлынем.

**Дима ЕФРЕМОВ. Кужэҥер, Руш Шой.**

**Шофёр лийын**

Мыйын кочамым, Роберт Витальевич Антоновым, 1979 ийыште Совет Армий радамышке налыныт. Тудо ГДР-ыште, инженерный войскаште, служитлен. Нуным пел ий туныктеныт, вара полигоным чоҥеныт. Роберт кочам шофёр лийын. Кочамын служительме ротыжо целинаште киндым поҥен налаш полшен. Армий гыч ача-аважлан, кочамым моктен, серышым колтеныт. Тудо 1981 ий шошым шочмо Визым ялышкыже пўртылын. Мый поро кочамым пешак йўратем.

**Аня ПЕТРОВА, 4-ше класс. Кужэҥер, Руш Шой.**

Таче Шочмо элым аралышын кечыже. Чыла коча, ача, иза-влакым ты пайрем дене саламлем. Пенгыде тазалыкым, илыш куаным, еш пиалым, пашаште лектышым тыланем. Тек тиде сўретем чылан пўлек олмеш лиеш.

**Катя ФЕДОРОВА. Звенигово, Эсмекпак.**



## Йүдвел флотын морякше



Мыйын кочамын лүмжө – Сергей Георгиевич. Тудо Йүдвел флотышто служитлен. Кочам рулевой лийын. Тудын судныжо спасательный СС-44 лийын. Кочам мұндыр иймашке коштын. Шуко эл-влакым ужын. Экватор марте шуын. Тудо кум ий служитлен. Медаль да жетон дене палемдалтын. Кочам йолташыже-влакым эре шарна. Тудо поро, весела да виян коча.

Ксюша ОКУНЕВА.

Марий Турек, Сысоево.

## Ачамлан пөлек

Йүштө телым

Пургыж тылзын

Толдалеш пайрем.

Тиде кечын ачаемым

Мые саламлем.

Пөлекемже мыйын ямде

Чотак тыршенам.

Кумага гыч ужал танкым

Мастарын пұчкынам.

Данил РОССЫГИН.

Шернур, Кугу Пұнчер.



## Изам – салтак

Илья изам Владимирский Областысе Ковров олаште Россий Армиий радамыште служитла. Школышто тунеммыж годым спорт дене пентгыде кылым кучен, футболла модаш йөрәтен. Мый изам дене кугешнем, пөртылмыжым пеш вучем. Изам – мыйын ұшанем да энертышем.

Надя РАМКОВА.

У Торъял школ.



Патыр геройын  
лүмжө курым  
мучко калык  
шұмыштө  
ила.

Д.Орай.

## Герой-влак дене кугешнена

Шукерте огыл марий Шлитератур урокышто Г.Матюковскийын «Петю» поэмыжым лудна. Тиде произведений мыланна моткоч келшыш. Петю – ушан, лүддымө рвезе. Илышыжым чаманыде, капше дене амбразурым петырен. Тыгаяк подвигым Кугу Ачамланде сарыште А.Матросов ыштен. Туныктышына тыгак мыланна Морко районысо Совет Ушем герой-влак В.И.Соловьёв, Х.Х.Хасанов, З.А.Краснов, Н.П.Павлов нерген палдарышт. Василий Иванович Соловьёват амбразурым капше дене петырен улмаш. Геройна нерген изирак видеороликым ончышна. Тыгай герой-влак дене кугешныман веле.

Надежда ПЕТУХОВА.  
Морко, Купсола.


## Вашлиймаш



Школышыкына Йүдвел Кавказысе кучедалмаште лийше, спецназын ветеранже, мурызо Александр Егорович Мингалёв (снимкыште) толын. Тудо патриот шұлышан урокым эртарыш: сар нерген возымо муровлакым мурыш, шочмо мландынам йөрәташ, аралаш күлмө нерген шуко ойлыш.

Ксения БУТЕНИНА.

Морко, Энерсола.



## Эн лишыл йолташ

Эн лишыл йолташемлан мый Рома изамым шотлем. Ме ваш-ваш полшен, келшен кушкына. Велосипед дене кудалышташ туныктымыжым нигунам ом мондо! Тулак мыйым спорт деке шұманден, шкежат таза капкылан, лүддымө, чулым. Кызыт изам Санкт-Петербургысо Военно-космический академийште тунемеш. Тушто тунемаш неле гынат, Рома чот тырша, түрлө конкурсышто вийжым терга. Шукерте огыл каникулыш толын ыле. Мый тудым пеш чот вученам.

Медведево, Знаменский.

Ваня ТАСАЕВ.



Контртеррористический операцийлаште, боевой действийлаште ик гана веле огыл лийын.

**Снимкыште:**  
**С.В.Мамаев офицер**  
**эргыж дене.**  
**(2014 ий).**

командирын алмаштышыже семын служитлен. 2010-2011 ийлаште Марий Элысе МВД милицийын сводный отряд командирже семын Чечняшке служебный командировкышко миен коштын. 2013-2014 ийлаште Дагестаныште службым эртен.

**Виктория МАМАЕВА.**

**Кужэнер, Кугу Регеж.**

Коркатово лицейыштына ОБЖ-м тунуктышо В.А.Подбойкин сар-курал ончерым ямдылен. Теве ныл ияш Владимир Серафимов винтовкан, пулемётан, наганан сүретым тўткын онча.  
**В.СМИРНОВЫН**  
**фотожо.**  
**Морко район.**



### Тушманым кыреныт

Йоратен, пагален Ачамландым, Волгыдо илыш верч вийым пузныт Кочана, ачана-влак, талын кредалын, Ончыкылыкна верч тушманым кыреныт. Ту саманын ойгыжым ынже уж калык, Тек мондалтеш шучко орлык – чыла. Лийже пенгыде, сае тазалык. Кө чытен, тудо вел умыла.

**«Рвезе йўк» кружокын**  
**тўшка пашаже.**

**Морко, Купсола.**

### Палаш огай



**КАНЕКОЛОН** – тиде шўртö гыч пунымо искусственный ўппунем. Тудо тўрлö-тўрлö тўсан лийын кер-теш. Японий гыч толшо модылан шот-лалтеш. Ўпдам чиялтыде да пўчде, причёским вашталтынеда? Тугеже канеколон утара. Парик семын чида – йөршын весе лийыда. Ўпла кужемеш, имиджда вашталтеш. Но... Мутлан, йўр йымак логалмек, муш ўппунемда нелемеш, тўсшö кая. Тудым рончаш неле. Садлан налме деч ончыч материалын качестваже нерген шоналтыза.

Марий Эл Республикысе МЧС «Тул модыш огай!»

йоча творчестве смотр-конкурсым увертара. Тушко 7 гыч 18 ий марте тунемше-влак ушнен кертыт. Конкурс нерген МЧС-ын сайтыштыже рашрак улымен кертыда.

### Конкурс



### Ит черлане, йолташ!

Грипп черле егын кокырымыж, тўрвычмыж гоч шарла.

**ОРВИ**  
ден грипп изи йочан,

илалше, начаррак иммунитетан ен-влакын нелын эрта.

Чер ынже пиж манын, организм пенгыдемдыман. Жапыште малаш вочман, яндар южышто шукурак коштман, кидым шовын дене мушман, игечылан келшышын чийыман. Тыгак цинк, кальций, А, С витаминан кочкышым кочман. Шере пурысым, кивим, пенгыде сырым, колым, ушкал шылым, кешырым кочмо рационьш пуртыман.

Тўшкаште лийме годым маскым чийыман але нершовычым кучыман.



### Ачаемлан

Пургыж тылзын ачаем  
 Пайрем дене саламлем.  
 Жапше годым ачаем  
 Эл границым арален.  
 Лийын тудо тале  
 Да лүддымӧ чытак.  
 Пеш шуко заставым  
 Оролен салтак.  
 Кызыт ачаемже –  
 Тале тракторист,  
 А эше комбайнер,  
 Уста машинист.  
 Эрден эр кынелын,  
 Машин(а)вечышке вашка.  
 У тургымлан комбайнжым  
 Да тракторым тӧрла.  
 Кушкылдем – диям мыят  
 Ачам гаяк тале!  
 Эл границым аралаш  
 Вийым ом чамане!



**Николай ЕШЕЕВ.**  
 Шернур, Марисола.



Кызыт изаем – салтак!  
 Тыныслыкым арала.  
 Мылам серышым воза  
 Да сүретым колтеда.  
**Максим КИНДУЛКИН.**  
 Национальный президент  
 школ-интернат.

### Мастар кид



Кочаланда,  
 ачаланда  
 але иза-  
 ланда  
 тыгай  
 «орденым»  
 ыштен  
 кучыктыза.



### Синк-вейн




Герой  
 Тале, виан.  
 Кредалеш, арала, перега.  
 Сар тул кокла гочын вончышо.  
 Патырна.  
**Мария ИЛЬИНА.**  
 Морко, Шүргыял.

23



**ПАЙРЕМ ДЕНЕ!**



Янлыкым  
 сүретлен  
 ончыза.

### Шордо

Лаштыра тўкан, кугу капан!  
 Ужын омыл нигунам.  
 Лач сүретьште гына  
 Тиде янлык палдырна!  
 Шордо поро койышан,  
 Кенезлан лиш ешан.  
 Тудынат уло тушман –  
 Палена ынде чылан.

**Полина МАТВЕЕВА.**  
 Шернур, Летник.



Индекс: Марий Элыште,  
 Пошкырт ден Татарстан  
 кундемлаште - П4696.  
 Тираж 1150 экз. Заказ 282.  
 Формат – А-4-8.  
 Директор-тўн редактор  
 Л.В.СЕМЕНОВА.

E-mail: yamde\_lii@mari-el.ru,  
 yamde\_lii@mail.ru  
 Сайтын адресше: yamde-lii.pro,  
 Тел. 8(8362) 45-22-82(факс)

УЧРЕДИТЕЛЬ-ВЛАК: Марий  
 Эл Республикысе культур, печ-  
 ать да калык-влакын пашашт  
 шотышто министерстве, «Ямде  
 лий» газет» кугужаныш уни-  
 тарный казна предприятий.

Газетым редакцийыште погы-  
 мо да верстатлыме, «СТРИНГ» ИПФ  
 ООО-што ямде оригинал-макет  
 гыч савыктыме. Типографийын  
 Строитель урем, 95.

Газетым Массовый коммуникаций  
 сферыште да культур наследиым  
 аралымаште законодательством шук-  
 тен шогым эскерыше Федеральний  
 службын Приволжский федеральный  
 округысо управленийыштыже регист-  
 рироватлыме.  
 Номер – ПИ №ФС 18-1999,  
 2005 ий 10 февральыште пуымо.

0+

Печатьыш пуымо жап – 14-00,  
 фактически – 13-00

Авторын да редакцийын шоныма-  
 шышт түрлӧ лийын кертыт. Се-  
 рыш-влак мӧнгеш огыт колталт.  
 Ак – кутырен келшыме почеш.

Редакцийын да издательнын адресше:  
 424006, Йошкар-Ола, СССР  
 Вооружённый Вийын  
 70-ше идалыкше урем, 20 (почтовый)  
 Эгерүмбал Амстердам, 1  
 (фактический).



Кудо кубик?



И. СЕМЕНОВАН фотожо.

Погыmek, үлнө ончыкты-мо кудо кубик лектеш?



Тений теле пеш луман. Ме йоча-влак дене кайыкклан телым эртараш полшаш шонен пыштенна. Ача-ава дене пырля түрлө мотор кормушкым ыштенна. Ме кажне кечын уремыш модаш лектына. Изи кайык-влакклан кинде пудыргым, кечшудо нӧшмым оптена.

**Вероника КАЛЯКАНОВА.**  
Медведево, У Арбан.

Рывыж Чоя, мотор, Кочкеш, коштеш, шылеш. Чывым пеш йӧрата. Янлык. **Ваня РЕПИН.**  
Советский, Ӧрша.




**Т у ш т о** Ӱдыр огыл – муралеш, имне огыл – куралеш. \*\*\*

Тошкеда гын – кудалам, чарнеда гын – камвозам.

Урем дене машина кудалеш. Трук тудлан савырнаш кӱлеш. Автомашинан шолашке савырнымыже годым кудо тыртышыже (ораваже) огеш пӧрд?



III Патапа пешапа



Шола могырышто ик шырпым налын кудалтет гын, чын вашмут лиеш.



Кок игай погоным му.



7 ойыртемым му.



**Ачай**  
Ачай, ачай,  
Кузе мый тыйым йӧратем!  
Уремыш коктын лектына,  
Яндар юж дене шӱлена.  
Пайрем дене саламлем,  
Тылат мый порым тыланем.  
Лий пиалан, таза, виан,  
Эше кужу ўмыран!  
**Ксения КУДРЯВЦЕВА.**

Мыйын ачам – Юрий Аркадьевич Вараксин. Тудлан вашке, март тылзыште, витле ий темеш. Ачам эн сай, эн поро. Тудо мыйын нигунам огеш вурсо. Ачам кидпашалан мастер, пу гыч түрлӧ арверым ышта. Эше ачам пеш чаплын сӱретла да тамле шӱрым шолта.

**Татьяна ВАРАКСИНА.**  
Национальный президент школ-интернат.